

Peqqissutsimut Ilaqutariinnermullu Naalakkersuisoq
Landsstyremedlem for Sundhed og Familie



Demokraterne
Att.: Astrid Fleischer Rex
-/maani

Uunga tungg.: Inummut meeqqanik kinguaassiuutitigut atornerluisimasumut nersornaasiisoqarsimanersoq aningaasanillu akissarsititsisoqarsimanersoq pillugu, Inatsisartut suleriaasiat malillugu § 36 imm. 1 naapertorlugu apeqquteqaat.

Asasara Astrid Fleischer Rex

Naalakkersuisut sinnerlugit, Namminersornerullutik Oqartussat inummut meeqqanik kinguaassiuutitigut atornerluisimasumut kajumissaat aningaasartalik agguassineranut, allakkatigut 14. januar 2008 apeqquteqaatit akissuteqarfigissavara. Apeqqutigisatit uingasumik allanneqarput.

1. Ilumut Namminersornerullutik Oqartussat inuk meeqqanik kinguaassiuutitigut atornerluisimasoq nersornaasersimavaa aningaasanillu akissarsitillugu?

19. december 2007 Naalakkersuisut sinnerlugit kajumissaatinik qulinik agguassivunga. Kajumissaasernerqartut tamarmik suliniuteqarnermikkut Naalakkersuisut innuttaasut peqqissuunissaannik anguniagaat tapersersorsimavaat, taamalu iliuuseqarnermikkut namminneq innuttaasullu allat inuunerisa naleqassusiata eqqanaarneqarnissaa peqataaffigisimallugu.

Kajumissaasernerqartumut pineqartumut tunngatillugu, Naalakkersuisuni ilaasortaniit atorfilittanilluunniit, Ilaqutariinnermut Pisortaqarfimmit, KIIP-imit PAARISA-miilu sinnersigisatut inuk pineqartoq meeqqanik kinguaassiuutitigut atornerluisimanerminut pineqaatissinneqarsimanersoq ilisimaneqarsimanngimmat paasissutissiissutigineqassaaq.

PAARISA-p 2. januar 2008 kajumissaasernerqartup KNR-ikkut apeqqarissaarfingeqarnerani tamanna tusarjaa, tassani pineqartup nammineq meeraanermi atornerlugaasimanermi kingorna inuusuttuulluni meeraq kanngunartuliorfigisimallugu oqaatigaa. Aallakkaatitassiami eqqaaneqanngilaq inuk pineqartoq atornerluisimanerminut pineqaatissinneqarsimanersoq.

Paasissutissiissutigineqartut kajumissaasernerqartut tamarmik Naalakkersuisut inuunerup naleqassusiata pitsanngorsarneqarnissaanut anguniagaasa eqqanaarneqarnissaat nalinginnaasumik peqataaffigisimavaat.

Kajumissaasernerqartut tamarmik toqqarneqarnerminnut erseqqissumik tunngavilersorneqarput, tassani inummut pineqartumut tunngavilersuut imaappoq: 2006-imi Ilaqutariinnut atuagassiaq SILA aqqutigalugu ima oqaaseqaateqarputit: "Qujasaqaanga ajornartorsiuteqarnera nassuerutigisimagakku piffissaagallartillugulu ikiortissarsiorimagama. Inoqatikka siunnersussavakka piffissaagallartillugu ikiortissarsioritsi".

23. januar 2008
J.nr. 46.15.10

Postboks 1160
3900 Nuuk
Oq/tel +299 34 50 00
Fax +299 32 55 05
peqqip@gh.gl
www.nanoq.gl/peqqik

Ilaqtariit atuagassiami taaneqartumi, inuit nerisariaasiat annertuumik sanigornermik nassataqartoq qitiutinneqarpoq. Tamanna akisussaassuseqarluta naalackersuisunut ilaasortaasugut toqqaanitsinni pingaartissimavarput, taassumami peqqissutsiminut, nerisarisaminut timiminillu atuinermigut iliuseqarsinnaanini siuarsarsinnaasimavaa.

2. Naalackersuisut Inuuneq Nakuunerup 2007-imut kajumissaatitut nersornaasiutaa inummut meeqqanik kinguaassiuutitigut atornerluisimasut eqqartuussaaniikumut tunniunneqarsinera ilisimasimanerlugu?

a. Ilisimasimagunikku; sooq Naalackersuisut nersornaasiuttagaq inummut taamaattumut tunniutissallu toqqarsimavaat?

b. Ilisimasimangikkunikku: Naalackersuisut nersornaat utertikkumassavaat?

Naalackersuisut inuup pineqartup meeqqanik kinguaassiuutitigut atornerluisimasutut pineqaatissinneqarnikuusimanera ilisimangilaat. Illit paasissutissiinnut atatillugu aallakaatitassiami inuup pineqartup pinerlussimanera pillugu pineqaatissinneqarnikuusimanera taaneqanngilaq, oqarporli inuusuttuulluni meeqqamik kannguttaalliorfiginnissimalluni.

Naalackersuisut kajumissaat utertinniannngilaat. Tamanna Naalackersuisut, inunnik arlaatigut meeqqanut inoqatiminnullu kanngunartuliorsimasimasunik imaluunniit akornusiisimasunik tapersersuinerattut paasineqanngilluinnassaaq, kisiannili qulaani taaneqartut tunngavilersuutigalugit kajumissaat tunniunneqartoq.

3. Naalackersuisut isumaqarnerlutik, Namminersornerullutik Oqartussat inuk pinerluummik taama annertutigisumik, tassa meeqqanik kinguaassiuutitigut atornerluisimanini pissutigalugu eqqartuussaasimasumut nersornaammik tunnius-sinissap pissusissamisoortoq? Akissuteqaatissap tunngavilersorneqarnissaa kissaatigineqarpoq.

Naalackersuisut inatsisinik atortitsinerup eqqartuussinerullu assigiinngissusaat ataqqillugu sulipput. Naalackersuisut siusinnerusukkut pineqaatissiisoqarsimanera ilisimagunikku, nersornaatinnut assigiinngitsunik agguaassinermi, inuk aalajangiinermi tunngaviusunik naammassinnissimanersoq isumaliutigineranut ilannguttariaqarpaat.

Ilisimaneqartutut pineqaatissinneqarnerup sivilissusia eqqartuunneqarnermi aalajangerneqartarpoq. Naalackersuisut isumaqarput, inuk pineqaatissinneqarsimasoq inuttut mattunneqassanngitsaq, kisiannili pineqaatissinneqarnini naammassippat inuiaqatigiinni akooqqilissasooq, taamaalilluni innuttaaqatigisamissulli naligiimmik inuusinnaaqullugu. Allatut oqaatigalugu, inuuneq naallugu pineqaatissiisoqarsinnaanngilaq.

4. Siunissami inuit meeqqanik atornerluisimasut pisortatigoortumik nersornaatinik tunineqartarnissaat pinaveersinniarlugu Naalackersuisut qanoq iliusissanik pilersitsinissamik isumaliuteqarnerlutikt?

Naalakkersuisut maannamutut nersornaasiinernut aalajangiisarnernut tunngaviit isumaqatigiissutigineqarsimasut malinniarpaat, taakku malillugit Naalakkersuisut anguniagaannik ileqqorisaannullu akerliusunut nersornaasiisoqassanngilaq, tassani ilaatigut pinerluuteqarsimanerminnik pineqaatissinneqarsimasunut.

Siunissami inunnt meeqqanik atonerluisimasunut allatulluunniit iliuuseqarsimasunut nersornaatinik tunineqartarnissaat pinaveersinniarlugu periarfissaq ataasiinnaavoq, tassalu pinerlussimannginnermut uppersaammik piunasaqartarnissaq. Uanga tamanna pillugu inatsisitigut ilisimasalinnit nassuiaatinik pissarsisoqarnissaa suliniutiginiarpara, tassa Namminersornerullutik Oqartussat iluanni maleruagassat aamma aalajangiinissamut tunngavigisassat malillugit nersornaatinik assigiinngitsorpassuarnik agguaassisoqartarmat. Tassunga atatillugu paasisimasallit, soorlu politiit imaluunniit eqqartuussisoqarfiup suliamut ilanngunneqarnissaat pisariaqassaaq, tassa inuup ilisimanngisaanik pinerlussimannginnermut uppersaammik pissarsiniartoqartariaqartassammat akuersissummillu pissarsisoqartariaqartassalluni, taakku inuttut inuunermi periarfissanik attuisuupput.

Inussiarnersumik inuulluaqqusillunga

Arkalo Abelsen